

萍鄉縣志

萍鄉縣志卷一

地理志

地之有理猶天之有文天道遠而難知以星繫野地承乎天也班氏作漢書備載山川古蹟物產歷代仍其例至併津梁塋墓而羅列則摯虞畿輔志樂史寰宇記可取為證萍蕞爾邑景勝氣雄覽方域者記之其間士秀民儉朱子所謂風氣近古者夫習尚因乎地氣候準諸天有分野斯有占候有占候斯禋祥可得而知彙附之以備輶軒之採焉作地理志

星野 祥異附

斗牛為吳分野今之九州豫章 前漢地理志 斗建在子吳越分野 後漢志

萍鄉縣志

卷一

地理 星野

一

南斗牽牛星紀之次丑次起九度中二十四度終女七度其分

野豫章 唐天文志 豫章人斗九度 晉書天文志 斗六星二十五度吳分野

南康臨江袁州南安俱人斗四度 安志 翼軫為楚分野 前漢地理志 吳

楚之疆候在熒惑占於烏衡 史記天官書 玉衡第四星主荊州常以

五卯日候之癸卯為長沙第六星為揚州常以五巳日候之乙

巳為豫章 星經 大別以東至雷澤九江荊州屬衡星 春秋文耀鉤

按星野之說本極微茫鶉尾於辰在巳宜其屬楚若丑為星紀應在吳越則昔人星北地南之疑非無見也特列宿運行晝夜旋轉星光所射豈限方隅漢書正義亦云諸國界域不能委細然大畧班班可考矣惟斗牛為吳分野翼軫為楚分

野江西本豫章郡應繫斗牛吳分長沙立安成郡晉以安成屬荊州萍蘓爲安成郡屬似亦當兼翼軫今並錄之以俟占候者決擇焉

祥異

附

楚昭王渡江江中有物大如斗圓而赤直觸王舟舟人取之王大怪之遍問羣臣莫能識王使聘於魯問於孔子孔子曰此所謂萍實也可剖而食之吉祥也唯霸者爲能獲焉使者返王遂食之大美久之使來以告魯大夫大夫因子游問曰夫子何以知其然曰吾昔之鄭過乎陳之野聞童謠云楚王渡江得萍實大如斗赤如日剖而食之甜如蜜此楚王之應也吾是以知之

萍鄉縣志

卷一

地理 星野

二

家語

按家語本文未著年號而萍鄉舊志前志必實之以魯定公四年且云卒復國啓霸是必以渡江在吳師入郢昭王出奔之時於是疑者援引左傳謂王奔隨返國無渡江事夫萍鄉於春秋時屬楚本國之地安知不有時一至而必魯定公四年乎夫子以爲霸徵豈必以返國時爲霸而他日遂非霸乎又范石湖疑其去江太遠據隋書地理志萍鄉有宜春江考古錄南人凡水大小皆曰江則昭王之得萍實不必大江明矣

五代周顯德時城南梵林寺祥光忽見累日不散聞於朝賜額寶

積寺

宋熙甯二年春縣學泮池芙蓉盛開一本三花是歲郡發解進士四人萍鄉居其三蘇方叔高無黨彭襄也

按通志載隆興元年春萍鄉池蓮一本三花是年袁州發解進士四人萍鄉居其三州守趙瑋爲圖攷選舉志隆興元年無解試府志載郡守趙瑋係大觀時任曾圖大觀四年府學泮池之瑞蓮迄於隆興已隔六十餘年不應復有趙瑋之圖其爲訛誤可知又通志名宦志載熙甯二年己酉鄉試蘇方叔高無黨彭襄皆萍鄉人攷科目志熙甯間解試並無三人姓名通志云宋解試無定額錄多不存然則此三人之不載

萍鄉縣志

卷一

地理 祥異

三

蓋失之也又攷嘉定志載熙甯初學池中忽生芙蓉一本三花是歲郡發解貢士四人而萍鄉居其三則隆興元年進士四人之說殊誤熙甯二年解試三人之說當確今於選舉志內補載之

元符二年縣東白露坑忽隕石聲如雷形如羅漢 建炎三年火隆興二年縣署凌波亭梁上產瑞芝易名瑞芝亭 乾道六年學宮成夜有金燈如星照於殿閣 淳熙九年夏五月不雨至於秋七月十四年旱 慶元六年龍見縣城西南如願塔夏五月庚午越庚戌大水壞民廬害禾稼

元順帝至元四年瑞蓮生鳳凰池一本三花連跗異萼二十五年

秋八月嘉禾生進於朝

明宣德五年夏縣署後池蓮數花並蒂 宏治七年雨雪嚴寒林木枯摧行人多凍死 正德元年秋七月大水四年旱鄉民奪糶竹生花結米可食 嘉靖十二年夏四月大水高丈餘壞民廬 隆慶元年夏五月縣學榴花連理 萬曆四年金鼇洲擁白沙首尾數尺六年春三月大水害禾稼十三年夏縣署後池蓮多並蒂十六年夏六月蛟起大水壞民廬人多壓死文廟圯十八年夏不雨秋大疫有虎五入城 崇禎四年夏地震屋瓦皆動十一年夏大水十四年秋大水十五年饑夏五月十五日大水人民漂沒田禾盡淹十六日萍實橋圯十六年夏五月大

萍鄉縣志

卷一

地理 祥異

四

旱邑令不爲意六月朔民束稿禾塞於堂向午始散雨雹大如拳十七年有虎五入城

國朝順治三年夏秋大旱百餘日四年春大水歲歉米一石值金十餘兩黃金賤如鏐細綺衣升米可易疫痢交作饑饉洊臻食野草啖糠粃有殺人賣其肉者七年饑八年旱穀價昂九年饑十一年秋蟲食禾十三年夏秋大水十八年春三月初六日大雨雹積地如阜民居半毀二日乃消 康熙元年夏大水田禾盡淹船可入城秋大旱三年大旱四年夏大旱無禾七年大水八年冬冰雪嚴寒大樹皆折九年大旱無禾冬風雪甚禽鳥巢覆行人多凍死十年秋旱蝗十一年饑十四年夏四月天鼓震

十八年夏大疫五十三年冬十一月冰結四十有八日深尺餘  
雍正六年夏六月不雨秋霖七年夏六月大雨雹 乾隆六年  
秋大水蘆溪宗濂橋圯十三年春不雨秋饑二十九年歲歉明  
年平糶三十五年夏五月大水縣東觀化鄉虎三出噬人三十  
六年夏六月大水壞田宅死者四十三人萍實橋圯三十九年  
虎頻見噬四十人四十三年歲歉明年平糶四十五年夏秋不  
雨四十六年歲太熟四十九年夏五月大水二十一日蛟起壞  
田宅東境死者甚衆 嘉慶六年夏穀價昂饑民奪食紳士請  
於縣平糶七年夏五月不雨至於秋七月十三年閏五月饑穀  
價昂紳士請於縣設粥廠三凡二旬餘新穀登乃已  
先年本歲  
稔本年米

萍鄉縣志

卷一

地理 祥異

五

貴以東西兩河  
搬運大甚故也

是月大水大虹橋圯一角二十五年秋旱 道

光二年四月大水亨泰橋石欄圯六年六月二十六日蛟起大  
水壞田宅無算死者以萬計城圯數百餘丈八年三月初六夜  
大風屋瓦飄墮大木拔折是歲大禔九年四月穀價昂饑民奪  
食十一年七月十四十五十六等日日出無光其色碧綠十五  
年夏秋大旱赤地百里十六年夏五月不雨至於十月二十三  
年三月初八夜大風拔木雨雹大如拳二十五年二月十六日  
大風雨雹新輯咸豐三年六月九月淫雨害稼七年秋飛蝗蔽日  
捕逐後蝻子蠕動經縣收買乃盡是歲禾稼受害八年夏蝗不  
為災新輯同治二年春正月大雪木冰八年春二月十七日地震

屋瓦皆動二十八日晝晦夏五月大水壞田廬橋梁九年夏大水漂沒田廬穀價昂饑民奪食秋旱九月二十九日大雷電風

雨雹

新輯

疆域 鄉里附

東西一百五十里南北一百五十里

陸路東至分界舖界九十里自界至宜春縣五十里 西至插嶺

關界六十里自界至湖南醴陵縣三十里 南至馬跡嶺界六

十里自界至吉安府蓮花廳九十里 北至東峯界九十里自

界至湖南瀏陽縣七十里 東南至馬碗石界一百一十里自

界至吉安府安福縣一百八十里 西南至雙塘界一百一十

萍鄉縣志

卷一

地理 疆域

六

里自界至湖南攸縣一百六十里 東北至雙星橋界一百一

十里自界至宜春縣一百四十里 西北至踏塘界七十里自

界至湖南醴陵縣九十里 由縣一百四十里達於府六百四

十里達於省四千五百里達於

京師

水路東自蘆溪市至楊邨界五十里自界至宜春縣七十里 西

自縣東門外至牛丫洪界九十里自界至醴陵縣六十里

鄉里 附

城內外分五隅東南隅一畝西隅二畝北隅二畝共五畝

近城四面爲觀化鄉東北清江里三畝南仙桂里二畝西崇賢里

二畮西南永平里五畮共十二畮不編保

東為新康鄉桂華鄉分正東康樂里三畮又東新安里七畮共十保十

畮

又正東為廷宣鄉杜華鄉分東廷訓里四畮又東宣風里五畮共八保

九畮

東偏左為名惠鄉永甯鄉分正東名教里三畮偏東惠津里三畮共六

保六畮

東偏右為大安鄉永甯鄉分本大安里改大安鄉故無里共十四保十

五畮

南為長豐鄉永甯鄉分本長豐里改長豐鄉故無里共八保八畮

萍鄉縣志

卷一

地理 鄉里

七

西為欽風鄉正西玉山里一畮又西昇平里一畮偏西金源里一

畮又偏西唐昌里二畮共六畮不編保

西北為歸聖鄉偏西仙居里三畮正西懷信里二畮又西大甯里

三畮又西平樂里一畮共九畮不編保

北為遵化鄉一名清化鄉正北清教里二畮又北積善里二畮又北宣

化里四畮東北東鄉里三畮共十一畮不編保

偏北為安樂鄉北同唐里三畮又北萍實里五畮西北長平里四

畮近西金山里尾畮共三保十二畮

萍鄉舊三隅七鄉編戶一百三十里康熙二十九年知縣尙

崇年奉文均圖哀盛益衰城內外分五隅東路桂華鄉分為

新康廷宣永甯鄉分爲名惠大安長豐共十鄉二十八里四十九保一百有四畝外客畝八民畝內有三畝不輪充保正其十鄉次序則曰觀遵歸安新廷大長名欽

新輯

萍邑本籍畝甲各始於其祖宗而子孫世承之每畝設有義祠十甲之人歲一合祀其先並以稽其出入杜其僞冒故入畝者頗難又別有客畝以處外來者日久弊生移入本籍於是客民之黠者以類相引冒姓占居士著因而攻之嘉慶十三年十鄉保正合詞禁止立有公約呈官存案俾後來者不得濫入本籍誠杜訟之端而遠爲千百年安土計也

新輯

山水

泉潭形勝附

萍鄉縣志

卷一

地理 鄉里

八

山

武功山在縣東大安鄉距城百二十里相傳晉時有武氏夫婦修煉於此遂以武公名山陳武帝自始興起兵討侯景之亂楚人歐陽頎助義夢武仙擁騎前驅以告帝帝以爲平景之讖改名武功又云宋紹興時趙宸統禁軍勦洞寇於此又吳葛元晉葛洪先後煉丹於此亦名葛仙峯後人建壇其上前有官岡菴山跨吉袁二郡根盤八百餘里高踰三十里中夜登頂可觀日出頂多風舊有銅瓦殿今則砌石爲之山南屬安福北屬萍鄉今錄其山北之最勝者以備考

曰鶴峯白鶴真人冲舉於此

雪竹山在官岡後產雪竹有花實

石鼓山距官岡五里

石筍峯在羅霄洞之側甚奇而秀

聚雲峯白雲飄飄悠如曠如

高峯西北抵宜春萍鄉二邑巖逕險絕

雷巖在仙壇後最高處巖石峻削袤延數十里

寒溲巖在官岡菴前巖高而險左右各一洞曰風洞曰火洞

千丈巖險巖陡壁高懸雲際

萬松巖在雷巖中老松巨石盤踞數里

剪刀峽在雷巖後

萍鄉縣志

卷一

地理 山

九

州字厓在雷巖中石山屏立日出雲斂見石上有州字厓三字  
大可數丈

羅霄山在大安鄉距城百二十里一作羅霄峯下有浴丹井傳  
爲葛仙浴丹池與山俱爲邑名景王孚安成記云萍鄉羅霄山  
傍出石乳天旱吏人祀之因以大木長三四丈投井卽雨水懸  
湊井溢木出而雨止蓋潛龍之窟宅以陽居陰精神上通故叩  
之立感若蜀都賦所謂應鳴鼓而興雨者也下有羅霄洞百花  
潭黃龍潭溫泉諸勝

按武功羅霄本爲一山因岡巒起伏合中右分故一山而二  
名又羅霄或作盧蕭或作瀘瀟辨者不一考劉宋時王孚安

成記載羅霄山并皆言羅霄無所謂盧蕭瀘瀟宋嘉定志載羅霄山云今俗訛作盧蕭其於洞井等處亦祇作羅霄盧蕭之說嘉定志辨之矣瀘瀟之說始見於趙儀可武功記儀可明人前志誤作宋人其說實出安成記嘉定志後應以羅霄之稱爲古

茶畚山在縣東新安里距城一百一十里山勢崔巍林壑尤美萬松山在縣東新安里距城一百二十里山徑廣遠多產異卉雲蓋山在縣東新安里距城一百一十里雲氣氤氳朝暮不散明月山在縣東新安里距城一百二十里一峯圓聳望如滿月大廣山在縣東大安鄉距城一百里山勢修遠

萍鄉縣志

卷一

地理 山

十

九嶷山在縣東宣風里距城七十里九峯連接因名相傳晉三真人得道之所煉丹井竈猶存山側有仙鶴嶺如雙鶴飛翔狀

黃沙嶺在縣東大安鄉距城九十里其嶺峻拔

上西嶺在縣東新安里距城一百里一名天仙嶺疏林澹靄中有

巨石屹立如人

熊嶺在縣東大安鄉距城九十里嶺勢雄峻狀若老熊

大佛嶺在縣東新安里距城八十里圓頂盤旋如跏趺狀下有蓮

臺山形如蓮座

鍾源山在縣東名教里距城五十里

椅梧山在縣東名教里距城五十里

玉女峯在縣東名教里距城五十五里一作玉女墩安成記作玉女岡在萍鄉西津南五里蓋指故城而言卽輿地志所云蘆溪鎮之玉女峯也峯南一臺高三丈廣八尺名玉女臺天將雨有五色雲氣湧於石間俗謂玉女披衣段成式詩不願石郎戴笠難甘玉女披衣言多雨也

三尖峯在縣東名教里距城六十里

山口巖在縣東名教里距城五十里巖當山口蘆水出其中

禪師臺詳寺觀

聖岡嶺在縣東名教里距城五十里衆山迤邐望之蒼翠晉甘卓領兵築壘其上居民建聖岡廟祀之

萍鄉縣志

卷一

地理 山

十一

亂石嶺在縣東清江里距城二十五里衆山輻輳亂石參差有分水坳其水一注蘆溪一注縣城

龍頭嶺在縣東康樂里距城五十里

金雞嶺在縣東廷訓里距城七十里

毛仙山在縣東清江里距城二十三里方輿記云昔有過此者遇一女遍體生毛自稱毛姓言詞聰慧異常後不復見

銀鳳嶺在縣東廷宣鄉距城五十里

楊岐山在縣北宣化里距城六十里縣治發脈於此高出衆山有九房石五色石仙碁石羅漢洞白猿洞諸勝又有宮於本山者爲詳載於下以備考

萬仞峯在楊岐山側高峯衝列徒峭崎嶇望之如參天半

龍峯在楊岐山側盤旋天矯勢若游龍

觀音巖

措大巖

偃松臺蒼翠幽奇千態萬狀

帝鐘巖在縣北東鄉里距城五十里高十丈深四丈中有側石長

三尺形如人帝鐘

雞冠山在縣北萍實里距城六十五里山戴石狀類雞冠

南源山在縣北五十里下有廣利禪院宋宣和中縣令鄭強建以

息兵厲山南有泉四時不竭相近者爲浴室山山下有浴池

萍鄉縣志

卷一

地理 山

十二

漱玉山在縣北長平里距城四十里山環水繞景極幽曠職員周

世謙建塔其上名環峯塔

均江山在縣北宣化里距城七十里

浴室山在縣北萍實里距城五十五里下有浴池

楚山在縣北萍實里距城九十里高聳峻拔烟雲繚繞楚昭王曾

經此後人築臺其上年久圯生員歐陽典偕族人重築

瑤金山在縣北同唐里距城八十里蒼翠幽秀綿亘十里唐普濟

大師道場上有綠水洞靈丹井

石寺山在縣北同唐里距城八十里一名龍洞山山有石洞門戶

鐘鼓宛然又有羅漢像石乳滴成洞中清泉湧出蔭田甚廣山

爲元羽士黎洞天修煉之所乾隆五十七年職員黎庶安建塔其上

白鶴嶺在縣北宣化里距城五十里

臣波嶺在縣北宣化里距城七十里

案山嶺在縣北萍實里距城五十里兩峯高聳左右並峙中平如案因名有亭曰高寒爲往來休息所

雞鳴嶺在縣北清教里距城二十里嶺勢夷曠

明山峯在縣北清教里距城二十五里特立聳峙登其上可以遠眺中有仁濟院爲邑名景之一

後埠嶺在縣北清教里距城三里

萍鄉縣志

卷一

地理 山

十三

五鳳山在縣治後五岡軒起勢如飛鳳展翼

徐仙山在縣西崇賢里距城三里兩山對峙唐徐仙翁常修煉於此山有興教寺下有徐仙亭

橫龍山詳寺觀

青山在縣西崇賢里距城十里

排衙山在縣西崇賢里距城十里

曹家山在縣西玉山里距城三十五里

大屏山在縣西玉山里距城五十里山勢修遠爲萍西鎖鑰山背卽醴陵界

烏鴉嶺在縣西崇賢里距城七里上有雙石如烏鴉相逐故名中

有福歸亭

烏岡嶺在縣西仙居里距城三十里兩山對立林木陰翳

石花臺在縣西永平里距城二十里臺高壁立有徑可通石文如花

白馬嵯在縣西大甯里山形似馬

蛇嶺在縣西金源里距城五十里盤旋如蛇狀故名

長鶴嶺在縣西金源里距城八十里

上硃嶺在縣西仙居里距城六十里有石堅赤如硃冶者取以鍛鐵

牛頭嶺在縣西永平里距城七十里陡峭嶽嶽里人建亭山半

萍鄉縣志

卷一

地理山

十四

老人峯在縣西永平里距城八十里居其下者多壽

小南嶽在縣西永平里距城八十里山勢嶙峋上插雲表每秋月

登眺霞彩萬狀瀟湘廬阜悉在目中

石姥山在縣西歸聖鄉仙居里地名石仙岡距城四十里山下有

石屹立如人石旁有瀑布數丈

五峯山在縣西金源里距城四十五里五峯斜連秀出雲霄宋密

老禪師修持於此

大金山卽黃岡嶺在縣西懷信里距城六十里

馬腦山在縣西唐昌里距城七十里狀如駿馬駐坡

五金山在縣西唐昌里距城七十里五峯相連皆西向因名

鐘鼓山在縣西唐昌里距城八十里兩峯對列如鐘鼓狀

巖壺嶺在縣西唐昌里距城九十里縣延盤亘徑數十里

迎鳳嶺在縣南里許以縣治後山勢若飛鳳而此與之相迎因名

宋乾道時知縣趙公廩建塔其上高七丈許明嘉靖時知縣梁

用逵增建其二於旁三塔相連形如筆架俗呼筆架山爲邑名

景之一 國朝乾隆二十六年知縣張枚拆左右二塔修中一

塔山頂舊有四望亭仰山壇今圯

石羊山在縣南仙桂里距城五里山上多石其形如羊

雞子峯在縣南仙桂里距城十二里山頂圓秀昂然特立

秀林山在縣南長豐鄉距城四十里林木千章鬱然深秀

萍鄉縣志

卷一

地理 山

十五

天滋山在縣南長豐鄉距城四十里尖峯聳插杳入雲際

上埠山在縣南長豐鄉距城四十五里層巒聳翠望之晴煙一片

五霧山在縣南長豐鄉距城五十里山頂若盂中有一洞極幽深

天將雨輒霧出五色迷離

斗澗山在縣南長豐鄉距城六十里高巖陡峭斷谷幽深

玉皇山在縣南長豐鄉距城八十里層巖峭壁茂樹清泉最稱勝

境

鳳凰山在縣南長豐鄉距城六十里峯巒疊出如鳳排翼

界下山在縣南長豐鄉距城六十里山勢高曠萍鄉蓮花廳交界

處

高埠嶺在縣南長豐鄉距城五十里嶺勢高險下臨絕壑

馬跡嶺在縣南長豐鄉距城七十里石上馬跡宛然

豸跡嶺在縣南長豐鄉距城三十里嶺勢高聳石形類豸上有土

壕相傳元季禦紅巾賊扼險於此

袁樹嶺在縣南長豐鄉距城四十五里

小天台在縣南長豐鄉距城五十里秀峯邃谷頗有天台之勝

星子石在縣東清江里圓滿如星光可照人

鐘鼓石在縣東名教里兩石對立如覆鐘懸鼓

羅漢影石在縣東大安鄉白鷺坑口宋元符二年六月二十二日

山有聲若雷震巨石中裂其一屹立其一墜田間各有形如羅

萍鄉縣志

卷一

地理 山

十六

漢

棋盤石在縣東武功山

金星石在縣東大安鄉石空如室中有金光如星

屏風石在縣東新安里石如屏風廣數十丈

禪石在縣北宣化里廣十數丈中虛如龕昔有禪僧坐化於此

懸鐘石在縣北萍實里狀如懸鐘

九房石在縣北楊岐山

五色石在縣北楊岐山

仙棋石在縣北楊岐山

金魚石在縣西玉山里距城五十里狀如躍鯉金光微露

五白石在縣西永平里嶺列五石色白如玉

仙橋石在縣西永平里一名仙人橋

雞冠石在縣西仙居里高十餘丈參差陸離狀如雞冠

仙人石在縣南長豐鄉石上有跡俗傳仙人坐處

胡椅石在縣南長豐鄉形如仙座

羅霄洞在縣東大安鄉羅霄山四時霧雨沾灑寒氣凜冽

石壁洞在縣東名教里距城五十五里洞口微小入內高廣數丈

石晶瑩似玉垂者如鐘如旋螺立者如筆架如笋玲瓏萬狀以  
火燭之金碧輝煌內有井幽深莫測

螺洞在縣南長豐鄉距城五十里洞臨水岸狀如青螺盤結

萍鄉縣志

卷一

地理 山

十七

真如洞在縣南長豐鄉距城三十里有石如人形又有石鐘石龜  
皆石乳結成

裏大洞在縣南長豐鄉距城三十里山圓如覆鐘兩洞相接上洞  
口在山趾石田廣袤又數步有石雪色名雪峯一石竅斜穿投  
以石良久抵伏流下洞口出山腹巨石如屏中有小溪兩洞可  
容千人宋建炎初避亂者歸焉巨寇張成攻圍數日洞中人仰  
射賊有死者乃退

觀音洞在縣西十五里洞空曠平坦可入右深十數層石門開鑿  
如經神工靈異萬狀

曹源洞在縣西玉山里距城三十里洞空曠可容千人中有石儼

成大士像一小石人伏其下如禮拜狀其深處有溪發源自曹家山故名宋建炎間居民避寇於此

下石陂洞在縣北金山里距城四十里可容千人有巨石窒其門一夫守之萬人莫過宋靖康時巨盜曹成輩劫掠鄉井里人避亂其中寇屢攻莫能入

龍洞在縣北東鄉里距城五十里洞深入數層巨石嵌空靈異萬狀中有清泉伏流從山下出洞口石門形如半月旱歲禱雨輒應道光十八年里人劉元端摹刻禾山龍門石壁顏真卿所書龍溪二字於其上

焦源洞在縣北萍實里距城七十里洞中有石扣之鏗然有聲

萍鄉縣志

卷一

地理 山

十八

龍仙洞在縣北萍實里距城六十五里泉源不竭遇旱祈禱輒應龍王洞在縣北清教里泉自石隙中出蔭田甚廣

羅漢洞在縣北楊岐山

白猿洞在縣北楊岐山

萍鄉山發脉於武功武功山根盤八百里石骨雄峻高薄雲漢脉絡北走重岡疊嶂至亂石嶺斷而復起蜿蜒縣亘折而東踰銀鳳嶺北行與宜萍分脊抵快陽又折而西至楊岐山爲縣脉之祖崔巍秀拔委折而下南行六十里至五鳳山結爲縣治縣城以前山勢多北向城以後山勢多南向 按南幹由滇而黔過斗河而爲楚粵分脊之五嶺由五嶺分幹下

南安吉州起而爲武功北走至廬阜止舊志稱縣脈由南嶽而來不知南嶽由黔之騎山嶺分出一脈而盡於楚不復東行也

新輯

水

羅霄水發源羅霄山至蘆溪諸水滙聚可通舟楫達宜春底鄱陽湖是爲東注之水

按漢書地理志南水出宜春東至新淦入湖漢水經注牽水出宜春縣東逕新淦注豫章當卽漢志南水也江西考古錄南水卽袁江水發源萍鄉羅霄山流經袁州府城西爲稠江又經分宜新喻至臨江府合章江則羅霄水實爲南水之源

萍鄉縣志

卷一

地理水

十九

昭昭可考前志分載東西二派今考羅霄水皆趨東無注西者但統名羅霄水爲是

新輯

萍川水發源楊岐山左宜萍交界之滄下經赤山橋等處底萍城其泉水源出燕堂南坑水源出汊下桐田水源出宗閭瀏江水源出蜂子原等處者俱入之由此達醴陵底洞庭是爲西注之水

按水經漉水出醴陵縣東漉山西過其縣南酈道元注其縣南臨淥水東出安成鄉翁陵山漉淥相近後人藉便以淥爲稱是淥水爲漉水可知荊州記淥水出豫章康樂縣卽今萍川水也通志萍川水南三十餘步源發楊岐山東流轉西四

十里到縣又九十里入湖廣醴陵縣出淥口過潭州入洞庭  
又楊岐山上有淥水洞今萍鄉縣正在醴陵東本晉康樂縣  
地楊岐山當卽翁陵山古今異名耳前志稱楊岐水今宜照  
通志改稱萍川水庶不沒其實云

新輯

草市水發源長坑至草市小舟可達醴陵

上栗市水發源楚山東北小舟可由上栗市達醴陵

泉附

聰明泉

詳古蹟

錫杖泉卽縣治北劉家井世傳彌勒佛卓錫而成

義井凡四一在縣治東進賢坊一在縣治西仁和坊一在縣治左

萍鄉縣志

卷一

地理 泉

二十

皇華坊一在縣治右宣化坊

楓泉在縣東二里許冬不凝夏不涸旁有古楓故名

溫泉在縣東大安鄉武功山高峯下

聖岡泉在縣東名教里聖岡嶺下

葛溪泉在縣東名教里四時不竭將雨先有濁水一綫出旁有龍

王祠遇旱祈禱卽應

羅霄井在縣東羅霄山下卽葛仙浴丹池

泉村泉在縣東名教里周廣一丈深八尺湧出田心傍有泉江堰

名曰泉村黃庭堅詩所謂絲花出泉邨是也

劍泉在縣南長豐鄉闊二尺相傳晉潘徽羅敷傅康插劍取泉飲

之故名

暖泉在縣南仙桂里蘇家邨冬温如湯

觀音泉在縣南寶積寺深不滿尺暑月清冷宜人

高山井在縣南山頂

蟹眼泉一名濬靈泉在縣西四十里地名江汎邊泉塘山上有龍

神廟樹木叢蔭珠泉噴湧狀如蟹眼溉田甚廣

靈泉在縣西玉山里距城三十五里泉注方池涵光可鑑

方井泉在縣西玉山里湘東下市

泉山泉在縣西唐昌里距城六十五里味清冽從山頂出

龍井泉在縣西大甯里泉出不竭蔭田甚廣

萍鄉縣志

卷一

地理 泉

一一一

橫龍泉

詳寺觀

春塘泉一名泉塘在縣西永平里坳溪珠泉全湧環居百餘家浥

注不罄溉田數百畝注汶泉入萍川

寒泉在縣東北清江里一名冷泉溉田甚廣大旱不竭飲之能已

熱疾上有亭宋淳熙中縣尉潘友文建

龍陂泉在縣北四十里出石洞中轟聲如雷灌田萬餘畝由清溪

注萍川

龍池泉在縣北萍實里旱禱輒雨傍有龍池觀今廢

卓劍泉在縣北萍實里迎祥觀舊傳許旌陽卓劍於此

沸泉在縣北同唐里周圍二丈許其出如沸

雨湧泉在縣北宣化里楊岐山下天欲雨水先湧  
車磨泉在縣北安樂鄉距城百里味甘而香灌田萬頃

潭  
附

市潭在萍實橋下淵渟澄澈

河潭在縣東一百五十步深不可測

百花潭在縣東大安鄉羅霄山下

黃龍潭在縣東大安鄉羅霄山下深不可測

龍潭在縣東大安鄉武功山高峯下一在長豐鄉水色澄寒禱雨  
輒應

石屋潭在縣東新安里距城八十里上有石屋水光倒影

萍鄉縣志

卷一

地理 潭

一一一

青龍潭在縣東新安里距城一百二十里其深莫測旱禱輒應

梳洗池在縣東蘆溪鎮南玉女臺右

胡椅潭在縣南觀化鄉距城十五里淵深莫測

蕭仙潭在縣西八十里滙小溪之水岸有巨石相傳蕭史休息於  
此

廣生潭在縣西湘東有石穴羣魚聚焉以里人請禁捕魚故名

王母潭在縣西唐昌里距城八十里

青潭在縣西永平里距城八十里四面峭壁環列水氣凜冽深不  
可測

龍門潭在縣西永平里距城八十里潭有石若甕里人呼爲龍門

旱禱輒應

韓許潭在縣北清教里深二丈蕩漾澄清旁有韓許廟

交水潭在縣北清教里距城十里水勢聚此復流

敷潭在縣北秋江距城七十里盤旋若渦其深莫測相傳有龍居

之旱禱輒雨旁有龍王祠

烏珠灘在縣東廷訓里距城七十里巨石橫亘水聲衝激

形勝附

風土爽塏山川特秀唐杜氏通典

蘆水東奔彭蠡浪萍川西注洞庭波唐袁皓詩

山水淑清宋劉清之縣學記

萍鄉縣志

卷一

地理 形勝

一一三

地界吳楚水接瀟湘明正德志序

山水明秀拱揖環抱明簡迪重修縣學記

萍界兩省地當滇南蜀楚之衝明袁一唯湘東營房記

山川壯麗外險中平左顧右盼景勝勢雄前志楚王廟記

北祖楊岐之脈鳳翼飛翔南竇塔嶺之朝筆峯卓立左肩羅嶽右

臂徐仙川澄玉鑑洲擁金鼇紀其名景十曰楚王臺鳳凰池萍

川水萍實橋金鼇洲文筆塔明山峰羅霄山橫龍泉浴丹井

水利

萍水分東西二河東河源有二支一由青龍洞經茅店合東坑諸

水過沂源至京口底宣風大虹橋一由羅霄山經新店合坑口

諸水出山口巖達蘆溪二十五里至宣風與大虹橋水會底楊邨入宜春秀江西河源出宜萍交界之滄下合楊岐山左諸水繞城南過鰲洲西流至長潭雙江口匯桐田諸水過湘東合瀏江水至牛 洪入醴陵境別流不與萍川合者北則有金坪以下之水底秋江至上栗市達香水渡入湖南西則有長坑以下之水經東橋草市過圓塘入醴陵河

新輯

觀化鄉清江里斂陂 許家陂 小圳陂 根竹陂 張陂 虎陷陂 李家陂 虎跡陂 張家陂 觀陂 桐車陂 斜柳塘 大新塘 黎馬塘 中柏樹塘 壇塘 瓦窰塘 仙桂里五陂 魚陂 惠陂 浮陂 泉陂 南塘 瞿塘 蓮

萍鄉縣志

卷一

地理 水利

二四

塘 東塘 龍家塘 大青塘 小青塘 荷蓮塘 生菜塘 殷家塘 永清塘 清水塘 羅家塘 崇賢里桐車陂 赤土陂 承山陂 高車陂 唐陂 新陂 浮塘 廖家山塘 沈家山塘 觀莊塘 大林塘 山塘 觀塘 中塘 龍塘 石陂塘 蘆毛塘 江塘 黃泥塘 長沙塘 陶家塘 新塘 菱角塘 茅塘 上株樹塘 下株樹塘 塘充塘 叢樹塘 木連塘 泉塘 龍塘山塘 焦家塘 藍塘 大塘 丫注塘 永平里桐車陂 觀泉陂 後陂 自家陂 石耳陂 西源陂 彭家陂 灣江陂 曲陂 石陂 油榨陂 大陂 泉塘



古樓陂	彭家陂	車江陂	鐵爐陂	蛇王陂	油匠陂
樓下陂	湯一陂	龍潭陂	新陂	山陂	向後陂
廖家	陂	荷田陂	龍淡陂	雙了塘	長山塘
東沖塘	荷蓮	塘	破塘	泉塘	易家塘
沙坑塘	旱塘	高塘	鬼塘	西坑塘	煙原塘
堰塘	漫塘	盛塘	大塘	辛塘	扶
東鄉里	芋陂	袁陂	遺陂	錫陂	桂陂
黎陂	袞陂	南	陂	泉陂	蘇家陂
按陂	何家陂	許家陂	皂角陂	真陂	谷子陂
松陂	白陂	彭家陂	木陂	官陂	官
家塘	城塘	荷葉塘	北塘	山塘	南充塘
大塘	冷	水塘	萬細塘	株子塘	沿塘
暮充塘	小塘	思塘	楊公塘	牛欄塘	賀家塘
長烏塘	白竹塘	長馬塘	黃江塘	歸聖鄉	仙居里
五輪陂	朱田陂	蔗樹陂	五家陂	橫陂	欄江陂
桐車陂	新陂	大塘	小塘	黃塘	荷蓮塘
蕭馬塘	新坊塘	藍塘	嚴塘	蕭家塘	伍吼塘
石塘	華塘	新塘	皂角塘	石子塘	蓮塘
黃鴨塘	舊塘	伍家塘	懷信里	皂角陂	桐車陂
桐車上陂	桐車下陂	烏陂	路	石塘	楊梅塘
大山塘	崔家塘	蘭泉塘	游塘	菌塘	

萍鄉縣志

卷一

地理 水利

新塘

大甯里余家陂 大陂 神仙陂 烏陂 大塘 黃泥塘 楊

塘 大冲塘 橫塘 譚家塘 袁塘 華塘

平樂里桐車上陂 桐車下陂 大陂 梅花陂 映塘 大塘

大冲塘 源塘 流池塘

安樂鄉同唐里荷陂 樓陂 易家陂 灑灘陂一作嚴灘陂

泉蕩陂 小朱陂 公溪陂一作公溪水圳陂 水圳陂 楊

陂 泉塘陂 小水陂 清水塘 店塘 冷水塘 原築蔭

塘

萍實里敷陂 助陂 敷連陂 芒陂 張家陂 潘陂 小潘

萍鄉縣志

卷一

地理 水利

二七

陂 蔡陂 澗陂 造石陂 花石陂 沿陂 押陂 劉源

陂 黃土陂 風古陂一作古陂 豆陂 龍陂 禾陂 均

陂 立陂 天陂 淶塘 嚴冲陂 秦家塘 清水塘 蔡

家塘 譚塘 張堰塘 麗坑塘 蝦蟆塘 東塘

長平里湖陂 小圳陂凡三 新陂 成陂 中沙陂 下沙陂

湯隆陂 雲田陂 鐵爐陂 長規陂 自陂 乙陂 龍陂

落溝陂 胡大陂 已陂 三山陂 槐陂 旱塘 惠塘

侯塘 中塘一名黎塘 大塘 踏塘 路塘

金山里桐陂 纂陂 蔡陂 小土塘 堰塘

新康鄉康樂里馬陂 早禾陂 車陂 下路陂 白石陂 三

楊木凍陂	羅陂	社田陂	成田陂	連陂	潭頭陂	下羅陂
堰塘凡五	沙石塘	株塘	社塘	大塘	煥家塘	冷塘
坑塘	荷蓮塘	容塘	烟竹塘	隆塘	益塘	黃伯塘
落塘	長塘	夏家塘	承蔭塘	美塘	泉塘	上泉塘
中泉塘	下泉塘	烏石塘	路行塘	鯉子塘		
新安里興陂	石陂	泥源陂	梅陂	小陂	馮陂	赤陂
泥陂	興水陂	水陂	沙陂	泥枯陂		
廷宣鄉廷訓里坐陂	鍾家陂	豐藍陂	五家陂	赤陂	樟	
木陂	水陂	蕪陂	淨江陂	荷林陂	一作荷林塘	小陂
車陂	小社陂	長龍陂	刺陂	寵陂	早禾陂	大石陂
尺土陂	返蓮塘	路行塘	迎頭塘	大塘凡二	趙家塘	
紫泥塘	旱塘	歐家塘	石塘	南塘	多塘	郭公塘
下郭塘	長塘	草塘	堰塘凡二	黃秋塘	聶竹塘	汙
塘	下塘					
宣風里龍陂	桐村陂	一作桐車陂	山泉陂	新羊陂	淙陂	
金竹陂	湖陂	後羅陂	烏陂	大段陂	塘陂	安家陂
甘家陂	易家陂	荆紫陂	一作荆柴陂	泉石陂	新陂	
小凍陂	馬欄陂	中陂	泉陂	中段陂	背家陂	蠶塘
長塘	株木塘	何塘	黃泥塘	西灣塘	上樂冲塘	戴

萍鄉縣志

卷一

地理 水利

思塘 白樂沖塘 橫山大塘一作橫山塘 右塘一作石塘  
李家塘 查林塘 北塘 菱塘 荷蓮塘 三長塘 泉塘  
大安鄉地近羅霄山藉其水以溉田故無陂塘

長豐鄉玖陂 南木陂 高規陂 盧陂 下高陂 皂陂 小  
陂凡二 大陂 黃土陂 巴陂 平村陂 小須陂 新陂  
圭陂 黎陂 安城陂 米陂 小水陂 小土陂 石陂  
鏊陂 桐車陂 凍陂 瞿陂一作瞿塘陂 鐘成陂 上黃  
土陂 下黃土陂 上高規陂 下高規陂 南陂 泥陂  
已陂 盧塘 夏家塘 彭家塘 虎吼塘 泉塘 大坑塘  
木塘 大和塘

萍鄉縣志

卷一

地理 水利

二九

名惠鄉名教里鄭公陂詳古蹟 清江流陂 小山濤陂 珣陂  
洋陂 雙板陂 小圳陂凡二 沙陂 楊柳陂 楊家陂  
蔡陂 石陂 瓦倉陂 大龍陂 張家陂 黃竹陂 豐陂  
小陂 小山陂 孫泮陂 大小陂 大成陂 山塘 新江  
塘一名江塘 北塘 梅源塘 秋千塘 菱塘 谷樹塘  
瞿原塘 沒塘 路行塘 長塘 楠塘 思塘 姚家塘  
石竹塘 菱塘  
惠津里小水口陂 石陂 參陂 新陂一作新官陂 高陂  
溫家陂 錫陂 小陂 柏葉塘 大塘 石竹塘 荷塘  
姚家塘

欽風鄉玉山里荆牌陂一作荆板陂 瀛邨陂 雨田陂 省家  
陂 油榨陂 汪家塘 大冲塘 泉塘 蘇石塘 袁分塘  
石塘  
昇平里石陂 坡田陂 胡竹塘 荷蓮塘 江西塘 掬水塘  
何林塘  
金源里房陂 小陂 小段陂 雙車陂 何車陂 社山陂  
唐昌里胡家車陂 千陂 顏家陂 桐車陂 潤塘 大坑塘  
圓塘 烏塘一作烏陂塘 上蘆塘 下蘆塘 黃塘 橫塘  
相水鱗疊釘樁塞以柴薪壓以沙石壅水歸圳遠可溉田十  
餘里曰陂有筒車則另開一口放舟上下筒車制如碓車隔

萍鄉縣志

卷一

地理 水利

三十

輪輻空中繫以竹筒挽水上升注於規祇能灌田數十畝堰  
陂在小溪內積薪壘石或築土決水入田其功易就瀦水曰  
塘雨注泉流滿蓄於塘開瓴口自高蔭低潦則溢旱則涸凡  
此皆人力爲之以補天時地利之不足取水之法無過於此

矣  
新輯

津梁

橋

亨泰橋在縣東門外舊名館埠橋古名阜渡宋宣和間知縣鄭強  
建木橋元毀明知縣竇時用建石橋圮萬曆間知縣常自新陸  
世勛屢修屢圮 國朝乾隆三十年職員宋茂聖重建圮四十

九年知縣胥繩武率監生胡慶簡等重建改今名道光二年石欄圮知縣甘恪任率邑人修

萍實橋在縣南門外本楚昭王渡江故事而名吳寶鼎時邑人李燿建元毀明洪武六年知縣李順英重建天順間圮知縣王璇建宏治間圮知縣何孔時建萬曆戊子水壞癸巳知縣陸世勛倡建崇禎壬午圮城南譚姓重建圮 國朝乾隆二十一年知縣沈廷標率附貢葉應祥等重建三十年葉應祥建石欄百柱三十六年圮職員文集裡等重建四十九年生員李振桂等建石欄八十九柱圮道光十五年職員文燿重建同治三年圮邑

人重建

參旧志

## 萍鄉縣志

### 卷一

地理 津梁

三一

香溪橋在縣小西門外一作薌溪初爲義安渡宋崇甯時建橋名仙桂橋開禧間縣尉趙彥輓改建石橋更今名當時有金鰲洲撐香溪橋玉帶不離朝之謠元毀明萬曆二十四年知縣陸世勛重建圮 國朝乾隆二十二年附貢葉應祥等重建圮三十年職員黎宏烈改建石橋嘉慶二十五年黎姓增建石欄通濟橋在縣北門外古爲舟渡宋紹興時知縣郭濤始建石橋圮明成化間邑人李仲本等重修圮 國朝康熙二十五年姚榮我黃茂椿等重建嘉慶四年姚大受與黃茂椿合族修迎恩橋在縣東關外迎恩坊側嘉慶初建咸豐十年水圮同治元年知縣承霈倡里人重修

流江橋在縣東三里明萬曆四十七年邑人漆東江子孫建 國朝康熙三十三年漆姓修乾隆三十六年漆姓重修

惠陂橋在縣東清江里宋景祐間邑人劉可受建 國朝乾隆二十四年職員王棟陞修

龍潭橋在縣東清江里明正德七年邑人文世安建 國朝乾隆四十年增生郭景瑗職員唐飛鼈等修

福勝橋在縣東清江里晉永嘉元年建元毀

韓婁橋在縣東清江里舊名寒泉橋乾隆三十五年監生胡慶簡修改今名

宏遠橋在縣東清江里白源距城十五里康熙庚寅年封職姚譽

### 萍鄉縣志

#### 卷一

地理 津梁

三三一

#### 彭建

溫江橋在縣東名教里舊名妙濟橋宋建元毀明崇禎時生員吳廷徵重建圮 國朝乾隆十八年巡檢魏厚安率里人建改今名

古宗濂橋在縣東蘆溪宋周濂溪監稅於此因名明洪武間知縣李順英建萬曆六年知縣常自新修二十二年知縣陸世勳重修圮 國朝乾隆四年紳士許國鴻等重建三十六年圮里人公建四十九年圮里人重建木橋名古宗濂橋蒲州同知蕭維文捐田壹千把爲歲修費

宗濂橋在縣東蘆溪距古橋百餘步乾隆十九年巡檢魏厚安率

里人許國鴻等建三十六年圯改建木橋四十九年圯里人重建商民斂資合蕭維文所捐古宗濂橋田爲一以備歲修兩橋之費

必東橋在縣東名教里宋建元毀明崇禎時生員吳廷徵修圯

國朝乾隆十八年巡檢魏厚安率里人重建四十九年里人公修

慶豐橋在縣東名教里一名土橋東陽吳姓修明萬曆二十三年邑人甘巨珣改建石橋圯 國朝乾隆十二年副貢易嗣臨重建

大虹橋在縣東宣風宋建炎間邑人劉榮倡建元毀明洪武六年

### 萍鄉縣志

#### 卷一

地理 津梁

三三三

知縣李順英重建圯正德十三年知縣高桂命道人李道傳募建石橋圯改建木橋癸巳圯知縣陸世勛重建乙未知府傅道統同知張三聘通判陳啟孫推官徐之孟知縣陸世勛復捐建石橋圯 國朝乾隆十六年副貢易嗣臨重建移里許改名思永橋里人仍稱虹橋嘉慶十三年水圯一角里人公修

桐邨橋在縣東宣風里明萬曆癸巳知縣陸世勛重修 國朝乾隆十四年副貢易嗣臨重建改名 橋同治四年水圯里人

重建改名同福橋

參舊志

惠人橋在縣東渙溪明萬曆九年邑人劉正八建

康靈橋在縣東三江口初建木橋圯乾隆三十五年鄒遇章改建

石橋五十年圮子峻重修

永年橋在縣東何家圳淨江陂下嘉慶十四年新溪寺僧德首建  
聯珠橋在縣東大安鄉鎖銅灣道光二年里人倡建

永臨橋在縣東新安里新安街咸豐九年里人公建 新輯

四盛橋在縣東蘆溪賀家坊道光三十年林育驥育攀錦煌源潄

四人捐建 新輯

萬福橋一在縣東社灣距蘆溪三里南陂李姓修一在金山里下  
坪洲里人公建

永鎮橋在縣南仙桂里雍正時宋德明倡建圮乾隆二十九年子  
良俊重建四十九年水壞孫恩貢漣歲貢澍修道光三年曾孫

### 萍鄉縣志

#### 卷一

地理 津梁

三四

例貢大樞建石欄道光六年橋毀二十八年元孫觀榮壽喬觀

烜觀熾觀燾率姪奎祥重建 參旧志

烏龍橋在縣南沙園潭宋淳熙間建元毀明洪武二年知縣趙彝

重建圮崇禎間邑人黎光照等倡建石橋後圮 國朝雍正十

三年監生宋祖昌等重建圮乾隆四十六年職員宋涵等倡建

仁興橋在縣南長豐鄉嘉慶十一年職員潘基等倡建

同慶橋在縣南長豐鄉咸豐十年建 新輯

長名橋在縣南長豐名惠二鄉交界之所地名上埠南溪嶺下同

治六年建 新輯

同心橋在縣南長豐里南坑咸豐元年建 新輯

圭田灣橋里人公建

樂善橋在縣南烏龍橋下半里許同治四年里人公建

新輯

雙鶴橋在縣南長豐里雙峯咸豐七年甘姓建

新輯

長壽橋在縣南崇賢里新河渡同治六年邑人從九職劉添興建

永濟橋在縣西崇賢里乾隆四十三年里人公建

黃花浮橋在縣西玉山里咸豐七年官倡紳庶建浮橋江西鄉紳

在湘潭者合捐善後田一千五百把知府銜段蘭友捐田租十

六石州同職鄧觀典翰林院待詔職吳培田各捐田租八石黃

花義渡內每年撥租六十四石以資歲修

新輯

壠橋在縣西崇賢里舊名龍橋傍有龍鱗樹明嘉靖九年邑人周

## 萍鄉縣志

### 卷一

地理 津梁

三五

爵榮重建 國朝乾隆三十一年里人公修改今名

龍安橋在縣西崇賢里唐貞觀間邑人簡易等建構屋其上以便

往來休息圯明萬曆時漆東江子孫重建 國朝乾隆四十九

年漆姓修

望山橋在縣西崇賢里明正德十年邑人周文貴捐資砌石

國朝乾隆四十九年漆東江子孫修

善洲橋在縣西崇賢里初爲善洲渡康熙二十七年監生葉之芬

建橋乾隆十七年黔撫定某捐貲爲倡屬知縣沈廷標增建圯

五十年里人倡建

麻山橋在縣西永平里初爲麻山渡康熙時建橋乾隆十年紳士

文世松等修

崇善橋在縣西麻山汝泉嘉慶九年公建

楊子江橋在縣西橫江乾隆二十三年文茂選捐修三十六年圯  
孫有涵偕族光熾等倡建

靈田橋在縣西昇平里乾隆二十二年廩貢陳繼唐建

水尾橋在縣西昇平里康熙五十四年縣西陳彭氏修圯乾隆四  
十三年廩貢陳繼唐建圯四十五年監生陳大新重建

壽庚橋在玉山里同治十年里人公建

新輯

官橋在縣西金源里舊有石橋屢修屢圯同治九年按察司照磨

職湯鍾鵠建

參旧志

### 萍鄉縣志

#### 卷一

地理 津梁

三六

永壽橋在縣西唐昌里舊名草市橋宋淳熙間鄭叔敬建明洪武  
七年巡檢汪元泰修圯 國朝乾隆十一年湯鼎先等重建圯  
三十一年邑紳周之燃賈岐陽等重建四十九年圯周賈子孫  
倡建改今名

永年橋在縣西唐昌里乾隆五十一年邑紳鄧錫福錫裕倡修同  
治九年圯鄧硃菴嚴壺子孫捐置義渡

參旧志

石橋在縣北門外一在縣北二十里冷水廟街宋景祐間邑人教  
授羅山泉建

交水橋在縣北清教里舊名交樹橋明宏治十四年邑人文洪黎  
勝建圯 國朝乾隆三十八年謝上雋等重建四十五年姚甯

謙等修改今名

敷田橋在縣北清教里嘉慶元年里人公修

姚江橋在縣北長平里乾隆七年萍醴居人共置船渡三十九年

置善後田嘉慶八年改建橋

廣濟橋在縣北清教里乾隆元年歲貢喻銘鼎等建

福壽橋在縣北長平里明崇禎十一年高蘭劉邦薦建 國朝嘉

慶十二年裔孫監生學優遠辰修咸豐五年裔孫特麟錫銜重

修 參旧志

更新橋在縣北長平里舊名新橋乾隆二十一年鄉賓葉志韜建

改今名後圯同治五年葉志韜子孫重建 參旧志

萍鄉縣志

卷一

地理 津梁

三七

流謙橋在縣北東鄉里乾隆四十八年封員劉大智等建

和雁橋在縣北東鄉里乾隆五十九年李子嵩妻呂氏建後增置

石欄

秋江橋在縣北萍實里明崇禎四年邑人藍用予建 國朝乾隆

十五年藍國才等修

萬秀橋在縣北萍實里宋寶祐間邑人吳礎建元毀明永樂四年

劉志才修

東至橋在縣北萍實里明萬曆時戴姓建 國朝乾隆十四年職

員黎宏烈復建橋於側

迴瀾橋在縣北萍實里乾隆十九年職員黎宏烈建

永遠橋在縣北萍實里乾隆四十四年縣北柳張氏建道光六年  
圮七年孫天蔭等重建 參旧志

冷溪橋在縣北萍實里乾隆二十一年職員黎宏烈建

諸福橋在縣北萍實里舊名四柱橋宋淳熙元年建元毀 國朝

康熙二十五年邑人歐陽永名等重建乾隆二十五年職員黎

宏烈等修四十六年里人重修改今名

廣利橋在縣北茅田邨宋建炎間建元毀

彪家橋在縣北彪家邨宋大中祥符間邑人彪治建明洪武三年

彪林再建

上游橋在縣北上栗市舊名普濟橋宋寶慶元年僧普照募建

萍鄉縣志

卷一

地理 津梁

三八

國朝乾隆十七年邑人柳文郁等修二十六年例貢胡諶重修  
改今名

雙溪橋在縣北上栗市明洪武元年建圮 國朝乾隆十七年邑

人胡薦升等建

栗江橋在縣北上栗市乾隆四十九年圮巡檢鄭詩敏率里人重  
建

神臺橋在縣北上栗市舊係磚橋屢毀乾隆五十七年職員黎庶

安倡建石橋

正新橋在縣北邊塘乾隆四十六年羅玉爾建

瑞公橋在縣北東鄉里康熙辛酉劉善人瑞貞斃石改建因名其

後人屢經修葺立碑其旁

朝陽橋在縣北宣化里橋頭何姓倡建

長平橋在縣北長平里

古坊橋在縣北古家坊道光壬辰年監生黎錦繡修

登雲橋在縣北東鄉里原有洪陂踏水橋圯同治八年里人重修

改今名

參旧志

善繼橋在縣北清教里乾隆三十六年里人公建同治八年復修

古江橋在縣北宣化里古江乾隆二十六年里人公建並置產備修

渡

萍鄉縣志

卷一

地理 津梁

三九

林家坊渡在縣東康樂里康熙十一年邑人林邦順置船一乾隆三十五年職員林立基增置船一於東岸今廢

遐昌渡在縣東林家坊嘉慶元年邑人林李五置船一捐置田產以備歲修

廣善渡在林家坊道光十四年林育攀等二十四人公修釀資置田雇人專守

新輯

北渚江渡在縣東廷訓里康熙時邑人易三禮置船一後里人公修

何家圳渡在縣東廷訓里雍正二年增貢何之靖置船一後里人公修

永中渡在縣東廷訓里嘉慶十四年生員敖楹等勸捐增修船一  
新溪寺僧德首捐田一百一十把雇人專守

甘田渡在縣東廷訓里乾隆二十年增貢何之靖等置船一

西成橋渡在縣東廷訓里康熙時邑人易黃訓置船一後里人公  
修

永濟渡在縣東廷訓里康熙時邑人鍾觀生等置船一乾隆二年  
孔殿先等修三十五年鍾文彩等重修

永興渡在縣東廷訓里乾隆二年邑人孔殿先等置船一

塘灣渡在縣東宣風里乾隆十二年監生劉飛鵬置船一三十六  
年壞監生劉世成等置

### 萍鄉縣志

#### 卷一

地理 津梁

#### 四十

陽邨渡在縣東宣風里康熙四十年邑人歐陽盛置船一後譚郭

蕭三姓修道光己亥年三姓捐田貳百五十把生員譚同珍等

斂貲置田六百把以善後

參舊志

長興渡在縣東江霞里人公置

迴龍渡在縣東五十里龍王潭彭姓置

長潭渡在縣南崇賢里乾隆三十六年監生宋希賢置船一四十  
六年左仕廷等修

新河渡在縣南崇賢里南山院舊有渡屢置屢壞同治間胡天讚  
裔公置船一歲貢生胡錫侯捐洞潭灣隴中田三百把計租二

十四石備歲修給舟子工食

新輯

桐田渡在縣西永平里乾隆八年邑人吳贊煌等置船一三十五年周慶霞等修

雙江口渡在縣西仙居里乾隆二十年生員曾京才等置船一

金沙灣渡在縣西大甯里康熙時里人置船一乾隆四十八年里人增置船一壞五十二年里人公修

何家渡在縣西大甯里乾隆三年里人置船一壞十六年里人修毀嘉慶時里中十人公置

湘東渡在縣西懷信里乾隆時里人置船二俱毀嘉慶八年里中十六人捐置船一名心傳渡十年里中三十人增置船一名濟

美渡

### 萍鄉縣志

#### 卷一

地理 津梁

#### 四一

慈航渡在縣西湘東市三聖殿前日久浸廢嘉慶十二年合社倡修船一

荷蕘橋渡在縣西玉山里一名火燒橋渡置船一乾隆十三年邑人瞿榮圖等倡修十七年里人建石板橋道光六年水圯兩建木橋俱圯同治元年砌石三圉八年水圯文均賢子孫置渡船一捐貲爲經久計

參旧志

洞潭灣渡在縣西永平里咸豐時里人公置船一並置田 百八十把計租十八石給舟子工食

番水渡詳古蹟

黃花渡在縣西玉山里舊有橋因文姓種菊橋傍故名後圯里人

置船二嘉慶間一畝置田一千六百六十把道光三年改爲義

渡

叅旧志

古蹟 塋墓附

萍鄉故城詳建置

鳳凰池在縣治前宋宣和時知縣鄭強以民多目疾謂地形如鳳  
鑿二池以象鳳目疾遂免元至元四年有瑞蓮生池中後淤塞  
爲民所占明萬厯中強裔孫惇典來守郡復其地重加疏濬立  
碑池上知縣常自新復種蓮植木欄長夏風蒸紅翠交映至  
國朝順治初知縣刁之裔余士聰重疏乾隆二十六年知縣張  
敕改石欄後又爲闌闌所逼嘉慶十二年知縣周繼炘撤去之

萍鄉縣志

卷一

地理 古蹟

四二

按鳳凰池舊傳爲科名所關嘉慶十二年撤去池旁諸肆自  
是屢加疏濬十五年中三得解首其信然歟

萍實里在縣北安樂鄉文獻通考云萍鄉縣有萍實里又有萍實  
驛范成大驂鸞錄人以此爲楚王得萍實地然去大江遠非是  
按考古錄云南人凡水大小皆得言江隋書地理志云萍鄉  
有宜春江卽盧霄水流爲袁江也九江記晉義熙元年王植  
與朱壽舟過袁江壽曰此是楚昭王獲萍實之處袁州在春  
秋時爲楚東境昭王或過此得萍實不必大江矣孫吳因此  
置萍鄉爲說已久今萍鄉西北楚山以昭王經此得名山頂  
有昭王臺遺蹟下有昭王祠其西南有萍實橋香水渡流傳

既古是爲不謬也

新輯

香水渡有二一在萍實里相傳楚昭王渡江得萍實處一在縣西黃花驛一名黃花站卽黃花渡在縣西玉山里朱子曾宿於此有詩道田洲吳姓於渡頭建亭額曰穩睡

煉丹井在九嶷山晉三真人得道處

飛泳樓在縣治西宋紹興間創爲放生亭後知縣王謙建是樓取鳥飛魚泳之義旁有雙清亭元毀洪武初重建今圯

勞拙堂在縣治後舊名莞爾宋淳熙間縣令王謙更今名自爲記  
甘卓壘在縣東五十里蘆溪晉書王鑒傳云建名將於安成連甘卓之壘明一統志聖岡嶺卽甘卓築壘處故城冢記云卓築壘

### 萍鄉縣志

#### 卷一

地理 古蹟

四三

接連五所也通志以聖岡嶺蘆溪鎮爲卓築壘處外三壘無考  
按舊志有古岡惠津里二壘並錄之以備參考

新江在縣東三十里唐咸通中郡守顏遐福奏開以通湖南纜十餘里而輟相傳開江時誤殺白龜功遂不就

按嘉定志郡守題名又載咸通五年高厚到任奏開新江不就而上文載顏遐福修羅城立天王臺事似咸通時兩次奏開新江顏在前而高在後耳

蘇將軍廟碑在縣東蘇將軍廟唐歐陽詢書今不存

鄭公陂在縣東初名神陂後漸淤宋知縣鄭強疏之民賴其利故

易今名

弭節亭在縣東宋元祐間潘復見隸三字後黃庭堅至此徧寫寺  
宇亭館名額此獨不易以其筆法遒勁也今毀

石室在縣東惠津里明一統志云數室相連石壁如雪高十數丈  
寒泉亭詳山水

羅漢松在縣南寶積寺宋黃庭堅手植士大夫多題詠

瑞蓮亭在縣署後明宣德間葛啓建

唯是軒在縣治宋令黃大臨題其弟庭堅爲之序

喜雨堂在縣署內宋淳熙十六年知縣周世昌建後屢改修

徐仙亭在縣西徐仙山宋紹興時縣丞卓津建後圯

望雲亭在縣南迎鳳嶺卽四望亭舊址明萬曆二十二年知縣陸

### 萍鄉縣志

#### 卷一

地理 古蹟

#### 四四

世勣建以思親因易其名有記今不存

瀟湘亭在縣南三十里明崇禎丁丑毀於流賊 國朝康熙五年

黎慕江重建有石碑曰古瀟湘亭

聰明泉在縣西百步溪水之旁其泉甘香宋葉景武讀書於此後

登第故名

泰和臺詳寺觀泰和庵

龍鱗木在縣西龍安橋側本檀香木有客購以六十緡其夜忽生

龍鱗遂不敢伐今樹雖不存而徧山樹木皆鱗起

溪山都會亭在縣西湘東枕山帶水明宏治十四年知府朱華建

正德十二年知府徐璉修通判葛之奇置樓其上爲邑名景今

圮

慎封亭在縣西插嶺閔醴陵界明萬厯甲申知縣陸世勛建今圮  
印塘在唐昌里鄧氏祖塋山下中有石一方如印育魚塘內鱗次  
輒有赤跡一方如印移置他處則否

西陂唐袁州刺史李將順所開通志云萍川倒流醴陵非人力所  
能爲也若以人而輔相天地則惟將順鑿渠巧力兼至自唐迄  
宋屢湮頻復民受厥賜多矣

去思亭一在西郊爲明知縣楊自治立宜春易可久記左有官地  
居民侵爲蔬圃邑人簡繼芳呈於知縣陸世勛復其地重修之  
一在東郊爲署縣陳啟孫立今圮

萍鄉縣志

卷一

地理 古蹟

四五

昭王臺在縣北同唐里楚山之巔昔楚昭王曾經此山頂有昭王  
臺遺跡下有昭王祠又縣署後有楚王臺爲邑名景之一

甄叔禪師塔銘在縣北楊岐山唐太和間沙門至閑撰僧元幽書  
乘廣禪師碑在縣北楊岐山唐劉禹錫撰並書劉申錫篆額今存  
徐常侍書縣南冊岡廟南唐時廣陵徐鉉書三將軍額後無存

黃學士書縣南寶積寺宋崇甯元年黃庭堅書碑記樂靜室德味  
廚八還堂額後無存

朱文公跋縣西社倉宋慶元六年朱子書跋後無存

焦姑池相傳焦氏女修真之所各志不載惟通志縣城圖附書城  
外東北隅今北門外二里許有方塘二俗呼焦姑池

春波亭在淨巖觀宋李觀及知州阮閱皆有詩

如願塔在縣城外西南唐建宋慶元六年七月有龍見於此知府李訖作問龍章以記其事後圯 國朝道光間重建

寶祐橋在東鄉里道光二年 宮保劉鳳誥題曰家里許田澗中

小石橋其梁偃面鑄宋寶祐四年大呂月庚申日許君和君禮

君寶君慶換造石橋以繼先君之志二十字殊古拙知許亦仁

孝人過者弗覺也近始出之爲揭寶祐橋於道以彰六百年來

舊蹟

新輯

毛仙驛在縣東二十五里昔有人過此山逢一人徧體生毛言詞

異常後不見宋朱子過此有詩驛今廢

### 萍鄉縣志

#### 卷一

地理 古蹟

四六

愛直驛在縣東分界舖宋張孝祥過此見驛旁有老杉愛之因名

愛直有詩驛今廢

湘東驛在縣西玉山里宋建炎時建紹興時移黃花渡名黃花站

後圯

文筆塔在南門外迎鳳山上宋乾道時知縣趙公廩建

瑩墓

附

唐

秘書正字唐廩墓

吉州刺史歐陽琮墓在蘆溪獅子巖

宜春狀元易重墓在長豐鄉楠木窰

南唐

袁州刺史吳民懷墓在名教里三里頭

宋

鄉賢胡安之墓在南山院

廣東副使葉景武墓在易家坊

明

萍鄉知縣蔡昌杜谷珍墓在縣南

浙江道監察御史簡迪墓在烏鴉嶺

陝西道監察御史甘泉墓在竅田

贈中憲大夫簡昌墓在牛丫沖紗帽山

萍鄉縣志

卷一

地理 塋墓

四七

雲南按察司副使簡繼芳墓在黃花橋喻家灣

桃源訓導唐瓊墓在縣北醴陵界唐家坊

中順大夫吳三益太祖吳朝卿墓在宣風白沙舖桐村屋後

贈大理寺寺正吳暄同父儼兄曜墓在許家坊

河南光州州判吳三畏墓在名教里泉江堰

福建邵武知府吳三益墓在名教里泉江堰

鄉賢羅彝墓在清江里九里坪

舉人劉定登墓在上栗市

冠帶大賓陳宏策父崇言墓在九里坪

舉人陳宏策墓在牛頭嶺周家源

山西解州同知彭一和墓在清教里交水潭

國朝

吉水訓導鄧嗣禹墓在唐昌里印塘

贈修職郎王志誠墓在圭田灣

贈朝議大夫顏質淳墓在插嶺關趙家窰

贈奉政大夫顏樹德墓在插嶺關烟窰

四川按察使鄧錫禮墓在唐昌里鳧頭嶺

廣東石城知縣顏煌墓在插嶺關南源塘

甯都教諭鄧霽墓在唐昌里草市

信豐訓導文學墓在湘東黃花渡泉塘陂

萍鄉縣志

卷一

地理 塋墓

四八

萍鄉訓導蓮花廳賀禧墓在崇賢里三灣口

劉善人瑞貞墓在竹鞭塘

晉贈光祿大夫劉易瑄墓在北路灌泉

晉贈光祿大夫劉經濟墓在北路灌泉

晉贈光祿大夫劉大智墓在東路銀鳳嶺大庾戴衢亨誌墓

福建道監察御史顏培天墓在桐田善洲橋

贈朝議大夫蕭一鶴墓在西路善山窰

贈朝議大夫蕭世魁墓在北路田心

贈武德佐騎尉王相權墓在十里舖

高安教諭王政光墓在長豐鄉大佈

贈儒林郎王相楨墓在長豐鄉新村

封文林郎王學聖墓在長豐鄉上水坑

廣東雷州府教授王邦彥墓在長豐鄉大佈

贈修職郎王邦耀墓在長豐鄉大佈

四川布政司照磨王咏桃墓在長豐鄉宗閭

都昌教諭易嗣臨墓在名教里白水陂

贈武德尉吳菁墓在長豐鄉黃泥塘

贈武德尉吳象金墓在道田洲

贈文林郎賀嗣鳳墓在北關外焦姑池

贈文林郎賀履中墓在南路五陂下猴家嶺

萍鄉縣志

卷一

地理 塋墓

四九

贈修職郎羅枝高墓在城南塔下

同知蕭維文墓在縣東十八塘

通判蕭鳳詔墓在縣東土上

戶部主事廣平府知府蕭光浩墓在橫龍山菴後玉坡

晉贈朝議大夫文守元墓在縣南朝陽山

戶部主事軍機章京胡增瑞墓在萍實里上粟市鳳形

詹事府庶子喻增高墓在清教里耀星橋虎形

廣東廉州府知府張培春墓在大安里檀樹下葉窠

雲南蒙化廳同知陞用知府張錦墓在縣南崇賢里南山院

翰林院編修福建道監察御史彭涵霖墓在長豐鄉雙洪

風俗 氣候附

君子善居室小人勤稼穡 隋地理志

重於隱遁有徐孺子風 唐杜氏通典

賦稅及時間里無事 唐韓愈表

士夫秀而文 宋黃庭堅道院賦

士力學而知廉恥民樂善而好儉嗇 宋阮閱無訟堂記

士知廉恥不撓邑政民務農桑輸賦以時 宋袁采廳壁記

比閭有職帑庾有輸商無隱貨酤無私釀 宋江淮縣治記

風俗近古 宋朱文仲社倉記

事簡民醕 輿地志

萍鄉縣志

卷一

地理 風俗

五十

好尚儒風有豪傑之士 羅秀亭語

童子入學忌閏年塾師秋杪卽解館至十月另延師課讀謂之冬

館

子謂之崽 楊子方言崽子也楊升菴集云江右人謂子曰崽

童穉多呼爲孖 集韻吳人謂穉子曰孖

論田數曰若干把謂時秧若干把也一畝合三十把安樂鄉人又

曰若干石種謂所播之穀種一石合種田二百把

使錢以八文爲一分十分爲一比十比爲一挂

邨婦之勞甚於男子農忙時雞鳴起治中饋日中饁餉夜業麻杲

雖士大夫家不廢女紅罕有寺觀之遊

溪瀨湍急大舟不得進四方工巧奇靡之貨不至其民不見可欲貧者間操商業貿易不出境內

冠禮久廢惟將婚之口舉族戚之賢達者命以字雖尊長不呼乳名蓋責以成人之義也女子于歸時先行笄禮謂之上頭

婚禮先媒氏納采問名豐儉稱家納吉日曰下信蒲節及歲杪饋二次曰大節倣古納徵意成婚先日男宴媒氏綵輿迎導詰朝女繡帕蒙頭升輿男不親迎女到門割雞灑血曰斷煞擇夫婦多子孫者揭輿幕男女交拜訖命童子捧燭入房合巹曰交盃是日宴客於庭媒氏新姻具帖請大賓二人齊眉者於廳堂及新房對花燭題贊名曰贊燭宴畢賓集房中曰鬧新房新婦出

萍鄉縣志

卷一

地理 風俗

五一

肅乃退次日拜祖先卽古廟見禮次拜翁姑尊長及媒氏新姻絃見卑幼謂之拜茶又有童時迎歸者謂之童養媳及長告知二姓戚族始成婚先是男女以兄妹相呼女稱翁姑曰父母壻至外家曰過門外家隆禮設席以迎曰接新客丈夫初舉子卽日以雞酒饋外家具所生日時謂之報庚三朝外家以猪羊襪褌衣被來謂之做三是日浴兒以蘇木汁煮雞卵相饋謂之洗三

喪禮初喪命日者視殯日書所忌以戒其親屬葬日亦然殯畢三哭三奠每七日延巫追薦至七七而止謂之應七擇日致訃日開香主人謝弔黃昏稽顙門外三年服闋延僧巫建醮焚紙馬

靈牀曰除靈貧者多謁蹶效之士多講家禮黜僧巫

祭禮族繁者皆有祠有祭田祭日族人畢至以族長主祭有故則署其名推次長行禮受胙分胙如儀祭田之息視族之無力讀書者給以膏火赴試助以貲費值歲歉量所存租以周貧乏士大夫重譜系無數十年不修者同姓異宗必嚴辨之不妄援名人不輕錄養子

元旦雞初鳴中庭設香案肅衣冠展拜神祖訖卑者以次拜尊長日出往來酬拜

立春先日鄉人舁儼神集於城俟官迎春後卽逐疫於衙署中及各民戶

萍鄉縣志

卷一

地理 風俗

五二

上元張燈自十三日起至十六日止爲竹馬龍燈鉦鎗導引入人家與以錢謂之代蠟至元宵暗室皆然燈謂之照虛耗夜靜婦女於竈前迎籥箕神問生育及休咎  
社日告社春秋祈報亦如之

春社時農家播社種其餘漬種以清明爲度諺云貧人莫聽富人哄桐子花開方浸種

清明日具牲醪紙錢掃墓惟新墓則於社前  
蒔秧時擊鼓而歌謂之插田歌

立夏日士民家煮粉團食謂之立夏羹

端午節以葛艾菖蒲懸門首啖角黍飲雄黃酒近水居民爲龍舟

競渡之戲

六月六日天貺節士曝書女曝衣農圃各祀田祖謂之祭婆官神田

名番官始五代  
時俗誤為婆

小暑節早稻可收擇卯日食新薦祖先

中元先數日中庭設席迎祖先朝夕具饌謂之下公婆飯至期剪紙為衣裹紙錢燒謂之送公婆衣新亡者戚族多備肉果楮衣薦之謂之送新衣二十日有盂蘭會亦裹紙錢燒衣燒之謂之送無名衣

中秋節以月餅相饋遺夜則以果餠賞月兒童燒瓦塔兼為桂花燈之戲

萍鄉縣志

卷一

地理 風俗

五三

重陽登高舊惟士人有之今民間相尚縣城居人多登城南迎鳳嶺

冬至士民多以是日割牲祭祖取一陽來復之義臘月二十四日為小年掃屋塵用米實豆腐祀竈

除日換桃符貼春聯掃墳墓薦家廟夜燒楓蠟雜香圍爐守歲金鼓爆竹聲至曉不絕

氣候附

萍邑水土和平絕無瘴癘之害正月遇晴殊暖農事始興二月三月清晨多霧露開則晴驚蟄前雷鳴則多雨諺云未驚先驚四十八日天陰驚蟄後必有寒謂之凍蟲清明漸暖諺云清明斷

霜社斷雪穀雨宜雨若無雨則艱於鋤犁諺云穀雨無雨送田  
還主然二三日必有寒謂之栽禾寒四月間不時暴雨俗稱爛  
霉天地氣鬱蒸逢庚入霉逢壬出霉日就炎燠五月初驟雨水  
漲謂之端陽水伏日雨則曰漏伏十日內皆有雨七月暑氣尙  
盛至處暑則平八月晝多陰謂之朝拜天中秋前後寒謂之凍  
桂花秋社日喜雨諺云春社無雨莫耕田秋社無雨莫種園九  
月鄉民有不授衣者俗云漚三凍九冬日霜盛則天將雨無霜  
而陰謂之晦霜天隆冬方有雪將雪必有霰若霽非霽爲開雪  
眼雪深則預慶豐年焉

土產

萍鄉縣志

卷一

地理 土產

五四

穀之屬

五月早 大暑早 莎雞黏 鬚黏 以上早稻 安福早 瀏陽早  
贛州早 團雞早 觀音秈 大葉早 以上中稻 麻黏 湖雞早  
紅米黏 白米黏 麻殼黏 以上晚稻 鄱陽糯 黑節糯 以上早糯  
童子糯 白殼糯 以上晚糯 蒔於早稻之中者曰稭禾蒔於早稻既  
穫之後者曰番耕

粟之屬

膏梁粟 苞粟 一名御粟 占粟 一名小米 糯粟 一名糯秫 雞腳粟 黃粟  
尾粟 一名狗

麥之屬

蕎麥 俗呼花麥 大麥 小麥 稞麥

菽之屬

黃豆 黑豆 綠豆 青豆 扁豆 俗呼眉豆 豌豆 飯豆 紅

豆 泥豆

蔬之屬

葱 蒜 韭 薤 藟 椒 芥 薑 蔞 菘 俗呼白菜 蕷 薑 俗呼

油菜 蕓 莧 馬齒莧 菠薐 俗呼菠菜 芹 蕨 薯 有數種山薯出最廣

貧者半以此代糧 萵苣 芋 百合 笋 茄 萊菔 俗呼蘿蔔 冬瓜

南瓜 俗呼金瓜 黃瓜 俗呼芳瓜 絲瓜 苦瓜 甜瓜 稍瓜 瓠

石耳 豆角 俗呼豇豆 刀豆 胡荽 俗呼荳荽 苦蕒 茼蒿 葵 俗呼

萍鄉縣志

卷一

地理 土產

五五

冬 莧

果之屬

梅 桃 李 梨 棗 橙 橘 柚 香櫟 柑 佛手柑

石榴 楊梅 榛 栗 有數種 青菓 枳椇 柿 櫛實 有苦甜二

種 白果 葡萄 落花生 蓮子 菱芡實 藕 芋 薺 俗呼

慈 姑 蔗 麻子

藥之屬

何首烏 小者多大者少 白朮 山藥 吳茱萸 地黃 黃精 夏枯

草 劉寄奴 益母草 金銀花 川芎 木瓜 香附 葛

根 荆芥 烏藥 香薷 紫蘇 薄荷 貫衆 蒼耳 土

茯苓 土南星 土枸杞 天花粉 土牛膝 山槿子 五  
加皮 半夏 車前 茵陳 蛇床子 金櫻子 牽牛子  
小茴香 蓖麻子 梔子 石南藤 白芨 陳皮 天南星  
旋覆花 土細辛 莽草最毒 栝藂 女貞子 橘核 枳殼  
青皮

木之屬

杉 樟 松 柏 桑 柘 梧 桐 梓 檀 楮 椿 桂  
杞 楊 柳 漆 櫻 楓 檜 槐 冬青俗呼蠟樹 皂莢

楮 棟 烏柏子可作油 柞俗呼鑿子木 黃楊 榆

竹之屬

斑竹 紫竹 篁竹 苦竹 淡竹 毛竹 南竹

花之屬

牡丹 芍藥 蘭 丹桂 碧桃 紅梅 鳳尾蕉 萱 蓮

菊 芙蓉 繡毬 迎春 月季 欵冬 金鳳 薔薇 臘

梅 紫荊 山茶 木槿 海棠 桂花 紫薇 玉簪 凌

霄 瑞香 雞冠 杜鵑 蜀葵俗呼東蓮 珍珠蘭俗呼于蘭魚

草之屬

萍 艾 芸 菖蒲 茭白即菰米可食 絲花山谷詩絲花出泉江 石花

龍鬚草可作蓆 燈芯草 水蓼可作麩 芭蕉 藍 茅

羽之屬

萍鄉縣志

卷一

地理 土產

雞 鴨 鵞 鷓鴣 雁 燕 鶯 鷹 鷄 鴿 雀 有數

種 鵲 鷓 畫眉 鴉 雉 鷺 鷓鴣 杜鵑 慈烏 翠

竹雞 翡 鳧 俗呼野鴨 鴿 鵲 鵲 灘鵪 鳩 有數種

毛之屬

牛 羊 豕 馬 驢 騾 犬 貓 鼠 山羊 野猪 毫

猪 豺 犴 麇 鹿 兔 水獺 狐狸

鱗之屬

鯉 鯽 鮓 鰕 鱧 俗名草魚 鮎 鮎 青魚 白魚 金魚

鰻 鮓 俗名泥鰍 鱖 鱧 俗呼鳥魚 鰻 鰻

介之屬

龜 鼈 蟹 蚌 螺 穿山甲 一名鱧鯪

蟲之屬

蠶 蜂 蝶 蟬 螢 蛾 蝙蝠 蜻蜓 蚱蜢 蛙 螳螂

蜉蝣 蟋蟀 螟蛉 螞蟓 蜘蛛 蠅 壁虎 俗呼 蟻 蚓

蝻 蚤 蛇 水蛭 俗呼馬蝗 絡緯 蝸牛 竈馬 蠅 蚊

蜈蚣

貨之屬

苧 葛 棉花 草紙 煙草 茶 菜油 芸臺子所壓 茶油 麻

油 麻有黃黑白三種 桐油 烏柏油 皮蛋 搜皮 蠟 漆 蜜

木炭 煤炭 山堂肆考云萍鄉山有黑土可燃 枯炭 鐵 石灰 麻石

萍鄉縣志

卷一

地理 土產

瓷器  
甚粗

靛青

土硃

玉蘭酒

豫章書云今無佳酒  
惟萍鄉玉蘭香差勝

萍鄉縣志

卷一

地理 土產

五八

